

EL TRICICLE

Divendres,
12 de hereuèr de 2016

Aué,.....



WHATSAPP ARRIBE AS MIL MILIONS D'USATGÈRS



Un de cada sèt abitants dera Tèrra ja l'utilize

WhatsApp ei ua aplicacion entà telefòns mobils que permet escambiar messatges, fotografies, videos e àudios, a mès de realizar telefonades, entre es sòns usatgèrs.

Ei ua des aplicacions mès descargades, e a artenhut diuèrsi recòrds, entre eri, eth d'auer servit entà enviar mès de mil milions de messatges en un solet dia e, ara, eth d'auer arribat as mil milions d'usatgèrs, çò que vò díder qu'un de cada sèt abitants deth mon utilize WhatsApp.

Darrèrament, ath delà, era aplicacion a estat notícia pr'amor qu'es sòns responsables pensen ena possibilitat d'eliminar es compdes des usatgèrs qu'agen rebut fòrça bloquegi per part des sòns contactes.

E ei que, coma usatgèr de WhatsApp, as era possibilitat de bloquejar un contacte entà evitar que pogue enviar-te messatges ofensius¹ o que pogue veir era fotografia de perfil o eth dia en qué t'i connectès per darrèr viatge.



Quini recòrds a artenhut WhatsApp?

As mobil? Hès a servir WhatsApp? As bloquejat jamès a quauquarrès? Perqué?

Pensa actituds que, entà tu, aurie d'auer ua persona tà que la bloquegèsses en WhatsApp.



▲ Era aplicacion WhatsApp en mobil



VOCABULARI

usatgèr: persona que hè a servir un producte o un servici.

ofensiu: qu'ofen, qu'ataque.



EN REIAUME UNIT SE PODERÀ INVESTIGAR DAMB EMBRIONS¹ UMANS MODIFICADI

Es scientifics demoren saber mès causes sus es moments inicials dera vida umana

Aguesta darrèra setmana, per primèr viatge en Reiaume Unit, s'a dat permís a un laboratòri de scientifics (liderat pera investigadora Kathy Niakan) entà modificar embrions umans.



Eth laboratòri qu'a rebut era autorizacion vò descurbir quini gens¹ a de besonh un embrion. Açò serie plan important, pr'amor que servirie, entre d'autes causes, entà ajudar ara gent que non pòt auer hilhs.

Gràcies ad aguesta autorizacion, Kathy e es sòns companhs scientifics poderàn modificar es gens des embrions e comparar es cambis que s'i produsissen.

embrion: èste viu ena fasa iniciala deth sòn creishement.

gen: partícula que conten informacion sus es caracteristiques qu'aurà un èste viu.

critèri: norma ara ora de decidir sus ua qüestion.

etic: qu'ei considerat bon segontes es costums dera societat.



VOCABULARI

Aguesta autorizacion supòse un cambi de criteri¹ en encastre dera sciéncia. Totun, i a personas que considèren que non ei etic² modificar es gens des èstes vius.



Qué ne penses deth hèt qu'es scientificos poguen modificar es gens? Perqué cres que i a personas que non ac considèren etic?

Kathy Niakan ei ua científica que lidèr un laboratòri d'investigacion.

Cres qu'es hemnes ac an facil en aguest mon? Perqué?

Sabes exemples de hemnes famoses que s'agen dedicat ara sciéncia?



ERA ONU CRITIQUE ETH LANÇAMENT D'UA FUSADA PER PART DE CORÈA DETH NÒRD

Es politics deth país lancèren era fusada eth dimenge 7 de hereuèr

satellit: còs que vire ath torn d'un planeta.

en orbita: ena posicion necessària entà que vire ath torn d'un planeta, en aguest cas, era Terra.

lidèr: persona que dirigís un grop de personas, un país, etc.

missil: arma explosiva que se lance entar aire e se dirigís cap a un objectiu.

violacion grèu: infraccion importanta.

Eth passat dimenge 7 de hereuèr en Pyongyang, era capitala de Corèa deth Nòrd, eth lidèr d'aguest país, Kim Jongun, celebraue eth lançament d'ua fusada.

Entà nombrosi expèrts, era fusada (que segontes eth Govèrn nòrd-corean se lancèc entà plaçar un satellit¹ en orbita)² se lancèc entà hèr pròves e assagi damb missils.³

Per un aute costat, era Organizacion des Nations Unides (ONU) opine qu'aguest hèt ei ua "violacion grèu"⁴ d'ua des règles que s'auien imposat ad aguest país: non fabricar missils.

Totun, Corèa deth Nòrd asseure qu'eth sòn objectiu ei eth plaçament d'un satellit en orbita, com ja heren er an 2012.



Quina ei era capitala de Corèa deth Nòrd? E eth sòn lidèr?

En Corèa deth Nòrd non i a ua democràcia, ei a díder, es ciutadans non pòden votar qui vòlen que sigue eth sòn president o presidenta. Qué te semble açò?


Te semble importanta era diferéncia entre assajar damb missils e méter un satellit en orbita?



▲ Lançament dera fusada eth 7 de hereuèr. Foto Reuters



ER ESCRIVAN JORDI SIERRA I FABRA GUANHE ETH PRÈMI EDEBÉ



blequejar: parlar hènt interrupcions e repeticions de sons de manera involontària.

Jordi Sierra i Fabra ei un escrivan neishut en Barcelona e qu'a escrit un arramat de libres. De hèt, ditz que comencèc a inventar istòries damb sonque ueit ans e, que quan n'auie dotze, ja auie escrit un libre de 500 planes! Sa papa e es mèstres qu'auie non volien qu'avesse era afeccion d'escriuer, e ac hège ar amagat. Tanben ère un mainatge fòrça vergonhós e blequejaue.¹ Poderíem díder qu'auie ua enfantesa² dificila.

Aquest autor, qu'a escrit libres entà mainatges e entà adults, recebec hè quauqui dies eth Prèmi Edebé de Literatura Infantil pera sua novèlla titolada *L'aprenent de bruiçot e Els Invisibles*.



T'agrade escriure, coma Jordi Sierra i Fabra? T'a susprenut qu'escriuesse un libre de 500 planes quan sonque auie dotze ans?

T'agrade lièger? Quin tipe d'istòries t'estimes mès?



MANIFESTACION EN CONTRA DETH PLAN IDROLOGIC

Mès de 50.000 personas protèsten contra eth plan der Ebre

Eth dimenge 7 de hereuèr se manifestèren en Amposta (Tarragona) mès de 50.000 personas entà mostrar eth sòn desacòrd damb eth Plan Idrologic der Ebre qu'a aprovat eth Govèrn espanhòu.

Segontes es defensors deth Plan Idrologic, servirà entà qu'era aigua arribe en un gran nombre de tèrres de coitiús e entà que se poguen bastir nau barratges.

Per un aute costat, es manifestants s'opòsen ath plan perque considèren que maumeterà eth Delta perque, com que baisharà mens aigua doça per arriu, era aigua salada dera mar entrarà e harà a pèrder es coitiús.

I anèren nombroses personalitats, agropacions e partits politics, e tanben gent venguda de tota Catalonha.

En aquest sens, eth president dera Generalitat de Catalonha, Carles Puigdemont, s'a amassat damb es representants dera Plataforma en Defensa der Ebre entà cercar solucions.



Penses que damb aquesta manifestacion artenheràn es sòns objectius? Penses qu'era aigua ei un recors illimitat? Totòm a dret ara aigua? Qué haries entà conscienciar-mos d'ua corrècta utilizacion dera aigua?



VOCABULARI

enfantesa: en-fança, periòde en qué èm mainatges.

L'EBRE SENSE CABALS ÉS LA MORT DEL DELTA



barratge: lac que se construí artifi-ciaument. Restan-ca.

delta: tèrra triangulara que se hè en bocau de quauqui arrius. En Catalonha, eth mès important ei eth delta der Ebre.

coitiu: tròc de tèrra en qué se cultiven ortalisses, frutes, etc.



LAIA SANZ RECEP ETH PRÈMI ARA MILHOR ESPORTISTA FEMENINA DER AN


Cada an, eth diari esportiu Mundo Deportivo celèbre ua gala en qué prèmie as milhors esportistes masculins e femenins der an.

Aquest còp Laia Sanz, ua motorista neishuda en Corbera de Llobregat (Barcelona), a guanhath eth prèmi ara melhor esportista femenina. Eth diari l'a volguda premiar perque s'a plaçat entre es dètz prumèras deth Rally Dakar (ua des corses de coches e mòtos mès dificiles que i a) e perque a artenhut èster campiona deth mon de ua auta competicion de mòtos fòrça importanta, eth Mondiau d'Enduro femenin.

Pera sua part, Andrés Iniesta, jugador deth Futbol Club Barcelona, a rebut eth prèmi ath melhor esportista masculin.



Qui a guanhath eth prèmi dera categoria femenina? E dera masculina? Perqué an premiat a Laia? Se guanhèsses un prèmi, de qué t'agradarie que siguesse?



▲ Laia Sanz

gala: hèsta.

masculin: qu'a a veir damb es òmes.


femenin: qu'a a veir damb es hem-nes.



JUGUEM!


Dibuixa

Fes un cartell per a anunciar una marca de galetes



Sudoku esportiu

Completa amb els dibuixos de pilotes



Troba els nombres

Completa les sumes

							6		
		7				7			
+	3				+			1	
1	3	1	4	1	7	1	7	7	5

Com ho veus?

Si vols ser savi, aprèn a interrogar raonablement, a escoltar amb atenció, a respondre serenament i a callar quan no tinguis res a dir.

*Johann Kaspar Lavater**

**Escriptor, filòsof i teòleg. Zuric, Suïssa (1741-1801)*

el tricicle

Aprenentatge significatiu i vivencial

el tricicle

Una publicació de:

Tracte Comunicació Global
 Passatge de la Pau, 10 entresòl 4
 08002 Barcelona
 Tel. 933177456
 eltricicle.cat
 eltricicle@eltricicle.cat



Setmanari per a nens i nenes

Una publicació de:


Tracte Comunicació Global
 Passatge de **la Pau**, 10 entresòl 4
 08002 Barcelona
 Tel. 933177456
 eltricycle.cat
 eltricycle@eltricycle.cat



SOLUCIONS N. 13

Sudoku esportiu

Completa amb els dibuixos de pilotes



Troba els nombres

Completa les sumes (un exemple)

		3	2	4		4	0	2	9	1
	1	5	1	2			3	6	2	4
	8	0	7	5		2	7	5	4	3
+	3	2	3	0	+			3	1	7
1	3	1	4	1		7	1	7	7	5